

GekkeligGeit

't Carnavalsgezetsje
veur

Bemele en umsitreke

2014

C.V. De Berggeitten

Bemelen





't Gezetsje 2014

41^{ste} Oetgaaf

"Gekke krant" veur 't BEMELER-LAND
Bemele

't Gehuch



't Gastes

't Wolfshoes 't Rooth
Carnavalsvereniging
"De BERGGEITTE"
Bemelen

Preens Tommy I



Wie ich noe truk kiek op miene preensetied... In ein woord, geweldig! Van begin tot eind. Ich kiek noe truk op unne onvergetelikke tied! 'T begos al wie Pierre langs keem geloape en zei: dich mot ich ein van dis daag uns evekes spreke. Ich wis meteen wat heer bedoelde... Ich werd gevroag veur Preens. Ich hub mich wel iersj evekes motte bedinke of ich hut wel roond kreeg op mun wirk, thoes en of ich hut wel zou wille. Mer binnen twie daag woar de knoap toch doorgehak. Ich hub natuurluk wel goedkeuring van mun wirkgevers gekregen en ze hubbe zich perfect aangepas op mien sjema! Mer toen keem alles... Un nuij pak, un muts, de foto's, der mos eten en natuurluk drank geregeld weure. Van pap en mam kreeg ich alle hulp en auch van mien zus, Jennifer. Doaveur wil ich ze bedanke, want zonder hun woar dit alles neejt meugeluk geweas. De oavend van hut oetrope woar misschien nog wel 't sjiekste. Ederein hoor se vertille en vusje beh ederein weh hut zou weure en wiezoe. Ich wis natuurluk wel beter. Iersj al in de kelder, ich begos mich um te kleije en doa keke toch wel un paar man hiel erg verras. Denoa wie ich oet de does keem, dat woar ech un ontlading van emotie en geluk. Der vilt ech unne ganse las van dien sjouwers aaf! De twie en un half week tot aesjgoondig woar erg vermeuijend. De weurs hielemoal aafgeleef. mer ich hub gein seconde spiet der van gehad! Alle luij die op bezeug koame en koame seren en feliciteren, ech sjiek! Auch van luij boe se 't eigluk neejt van verwachs. Mer auch natuurluk De Zoepnaze die un sjieke serenade keme bringen. De buurt, de oudpreense, de vroluij van de Road, 't jeugdpreensepaar, mun vrun, collega's en num mer op! Ederein keem hellepe en natuurluk auch mit spass maken. De optoch woar auch erg sjiek, alle luij die stoon te kieke of mit goan. Ver hadde gelukkig wel good weer en noa hiél véúl aandringen had ich auch ein prinses, Catelijne (vriendin van Dion Dullens). Inmiddels van de sjrik al verhuis noa Hier. Ich hub her beloaf neejt op hut podium te roope veur huur te bedanke, dus via deze weeg. Dankjewel dats dich mien Prinses wildes zien veur evekes! Wie de 11^e van de 11^e woar en veer ondertussen al de carnavalsaftrap gehad hadden in de cafe ging hut weer hielemoal los! Edere murge, middag, oavend of nach dat ich es Preens woar hub ich genote van alles! De Hierezitting op de camping beh Sjef en

Maria woar auch ech un hoegtepunt! Natuurluk woar de zitting in bemelen 't neusje van de zalm! Ech geweldig! Mit un hiel good programma en un hiel sjiek optreeje van mien vrun ech sjiek. Hut is hiel lestig um dit good te kinne verwoorden mer hut woar gegarandeerd de sjiekste oavend van miene ganse preense tied! Un bomvolle gezellige mit doonde zaal mit sfeer! Wie ich dit noe zit te sjrieve is miene preensetied alweer benoa um en hub ich auch nog wel un zwoer kupke van de zitting. Der zien nog un paar dinger boe ich es preens nog noa tow mot en boe ich auch nog ech noa oetkiek mer wat woar hut toch unne super sjieke tied! Mit alle dank aan mien vrun, de road, de zoepnaze, 't jubileum jeugdpreensenpaar, mien prinses, pap en mam, mien zuster en alle luij die hubbe mit geholpen aan de verzorging veur de gasten en die veur unne hiele sjieke tied hubbe gezurg! Ederein harstikke bedankt! En nog eine kier,

Bemelen Alaaf!

Carnaval in Limburg Alaaf!

En veur de gene die mich dizze super sjoene tied hubbe mugeluk
gemaak Alaaf!!!!

Prins Tommy I.



WIS GEER? WIS GEER? WIS GEER?

- dat Bemele d'r in 't aafgeloupe jaor weer 'n klein sjtükske natuur bee haet gekrege?
- dat oonderzeukers op de Weenkelberg 'n ganse nuuj deersoort höbbe ontdèk die nog nùrreges andersj in Nederland is gevoonde?
- dat ós dat neet erreg verwoondert, umdat 't bieske – 'n keverke - van kop tot sjtart mèr twie millimeter langk is, gein auge en gein vleugels haet, en auch nog 't groeëtste deil van zien leve oonder de grond zit?
- dat veer oos aafvraoge watste aan zoe'n bieëske höbs?
- dat veer huurde dat 'n ander bieëske dat heij vreuger auch roond huppelde, de kaalkopkruiper, zich inmiddels in Friesland haet terùggetrokke?
- dat dat veur 'n deil van de redaksie van dees gezèt good nuijts is?
- dat veer nog twiefele euver 't berich dat 't piemelkrieltje – dat besjteit éch... - de lètste jaore auch neet mieër in de omgeving van Bemele is gesinjaleerd?
- dat veer neet weite wie dat bieëske aan de kòs keump, mèr dat veer d'r mèr zoe'ne naam neet gerös op zeen?
- dat – um 't mèr ins euver get gans andersj te höbbe – Pol zien tent tegeswoordig neet allein op goonsdig mèr auch op maondig op sjloot hèlt?
- dat veer mèr aanneume dat Pol dus binne is, en gerös twie daag boete kint blieve (en ós boete kint hawte)?
- dat Max tegeswoordig bee Pol woent?
- dat veer 't duo Max en Pol al ins ieërder gezeen höbbe in de Berekojl in Mestreech?
- dat ze dao tenminste neet 't probleem hawwe van te váól deure boes-te dich in kins vergisse?
- dat Max op eine goojen daag – beter: op eine late nach... - mèr zien visite de verkierde deur pakde, en toen inins midde in de kaffee sjtong?
- dat veer dat mer zulle oetlègke es eine onaangekondigde test van 't alarmsysteem?

- dat dae test is gesjlaag, want dat Pol binne vief minute present waor um te kieke wat d'r loos waor?
- dat ze zich van erremeuj toen same midde in de nach mer eine gedroonke hōbbe?
- dat veer noe in eeder geval weite wieste in de kaffee de vlotste bedeenig krijgs: gewoon midde in de nach kome...?
- dat euverbuurman Lei van de kaffee door zien vrūn tegeswoordig 'de vastgoedmagnaat' weurt geneump?
- dat zoegèt tamelik euverdreve is este gewoon deis wat de Jansse Bagge Bend eederein jaore geleije al aanraojde: blief bie de mam...?
- dat Lei zjus wie auwt-prins Peter B gedach zal hōbbe: prima, bie de mam blieve, mèr dan waal mèt 'n eige vāordeur...?
- dat 't waal op begint te valle, dao in dat heukske, dat twie-onder-ein-daak gedoons...?
- dat 't ós tegevèlt dat ze van dae nuijje kèrrektrap mèt 't oug op de vergrijzing neet meteen eine roltrap hōbbe gemaak?
- dat veer veende dat ze dan auch in ein meujte door 't trèpke nao de kaffee zoe hawwe kinne inrichte, mèt 'n glijbaan de neve veur de vertrèkkende bezeukers?
- dat veer veurig jaor aangenaam verrast woorte door 't twiede van de FC dat d'r in sjlaagde ziene iersjte kampioenstitel te verovere?
- dat auwt-prins Peter U. zich d'r euver beklagde dat ze häöm 25 jaor op 't twiede hōbbe laote aanmoddere, mèr dat ze mèt dat kampioensjap gewach hōbbe tot heer d'r neet mieër bee waor?
- dat veer os ech aafvraoge aan wae dat toch waal zow kinne ligke?
- dat veer eind veurig jaor in de gezèt (de echte) ein sjtùk tege kaome woe mèt groeëte letters bove sjtong: 'Gedreven atleet wordt na carrière feestneus'?
- dat dao gelökkig 'n foto bee sjtong, umdat veer andersj neet zouwe hōbbe geweite euver wae dat ging?
- dat veer in diezèlfde gezèt nog mieër gedreve atlete tege kaome?
- dat veer mèt plezeer laoze dat de winnaar van de editie 2013 van Bemels Beste Boeren Bergloop dae wedstrijd 'de mooiste loop van Nederland' neumde?
- dat veer dat netuurlijk al lang wiste, umdat-ste in 't sjoenste plekske van Nederland noe einmaol neet lielik kins loupe?

- dat de plannen um behalve de oud-preensen ouch un oud-prinsesseclub op te riechten veurluipig in de ieskast zeen gezat?
 - Umdat der veur hun toch al un ouw-wieverbal is?
 - dat de hoechlustigheid vaan Mestreech op de Bemelerweeg woent?
 - dat heer daomet zoe 'n bietsje de buurmaan is vaan Mattie Huveneers vaan de raad?
 - dat veer us aaafvraoge of Mattie noe ouch same met de buurt mot goon seere bee “dee vaan us”
- dat dörpsgenoot Clèry Houten de kolomme van de gezèt haalde mèt ziene Limburgse term veur alcoholvrij beer: 'n foetelpilske?
- dat veer zelf zo gauw geine betere zouwe kinne bedeenke?
 - dat veer 't noe weijer auch neet mieër weite?
 - dat 't dus 'n good momint is um d'r veur dit jaor eine punt achter te zette?



Wis geer dat,.... De kromme unne hiele kleine hèt?

**Landschapsonderhoud
&
Loonwerken**

H. & R. Andriën

G.S.M. 0651162099 Bemelen



**Grondwerkzaamheden.
't Rooth 8, 6269 NV Margraten
0434072993 0653940355
e-mail: mnijskens@home.nl**



camping mooi bemelen

Gasthuis 3, 6268 NN Bemelen, telefoon 043-4071321

Wij nodigen U uit voor een lekker hapje en drankje
Zonnig terras in prachtig wandel en fietsgebied



**CAMPING
VINKENHOF**
café - restaurant
VIVA LA VINK

Engweg 2a
6305 PM Schin op Geul
043-4591389



Doech met, en weur lezer van 't carnavalsseizoen 2014 !

In naovolging van dagblad de leugeneer organisere veer van de carnavalsvereniging same met d'r Tump ouch un "lezer van 't jaor" verkiezing of, in os geval, unme "lezer van 't carnavalsseizoen" Eederein kin met doen, 't is neet meuijlik, geer hoof bee de foto's allein mer 't gooje ondersjrif te keeze. Veul succes !!



Foto 1

- A. Dit jaor alternatieve Bemels Beste Boerenmeiden Bergloop in Bemelen
- B. Run op kaarten veur Auw wieverbal Bemelen.
- C. Behalve titel Bemels Beste dit jaor ouch titel Bemels Belachelijkste,...

Foto 2

- A. Wat is dit veur un raar sjtuur op d'n tractor...
- B. Nuij barkrukke bee café de Baskuul groet succes....
- C. Iech weit 't, mer zoe hōb iech tenminste un taofelke veur mien friete en beer op te zette....





Foto 3

- A. Nao mislukte poging oprichting oud-prinsesse noe poging oprichting vrouwelijke raad van ellef.
- B. Twie (carnavals)mutsen
- C. Ze kinnen ouch mekkere wie echte berggeitte,...

Foto 4

- A. ...en zoondags hèt Eric Brouwers vrij aaf,...
- B. Eric werk in Curacao aan websites. Volges miech hōb iech die sites al ns gezeen,...
- C. De bes joonk en de wèls get,...



Foto 5

- A. ...de bes oud en de bes neet mie zoe kieskeurig,...
- B. Heer houw t pas in de gate wie ze neve 'm stinge op de WC,...
- C. Optreije K3 tijdens Hierenzitting Bemelen.



Foto 6

- A. Oto oet Bemelen haolt monumentenstatus...
- B. Te koup aangeboije: zgan (zo geroest als nieuw)
- C. Gans Bemele houp op un groete verdwijn "truck"...



Foto 7

- A. Gecombineerde actie jeugdpreensenkoppel tege t verdwijne van de sjaol én de bus...
- B. Carnavalsvereniging kump met heur plan veur alternatief openbaar vervoer
- C. Banjoman weurt nuije chauffeur sjoelbus Bemelen



Foto 8

- A. Neij, maak niks oet, 't is toch mer un ouw muts,...
- B. Neij maak niks oet, 't is toch mer de muts van Pierre Pirnay,..
- C. Beter ein Muts in de hand,.... dan ein op de taofel,...



Foto 9

- A. Alternatieve navigatie: de Tom-Tommy
- B. Berggeitte make plannen annexatie Mestreech bekint
- C. En dè van Mestreech woent heij !!! en dat is Bemele !!!!



Foto 10

- A. Joonkheid zuut ziech genoedzaak de meiden bee te sjeie dit jaor.
- B. Vogelwerregroep maak oetkiekpos veur de kerrek-uil
- C. Paolke houwe op hoeg niveau



Foto 11

- A. Bianca kreig eindelijk heure neuje jakoezie...
- B. Hugo sjtap hielemaol euver op de toeriste branche. Noe nog unne SAU – NA,..
- C. Bier(e) van t vaat,...





Foto 12

- A. Peter Beaujean zuut oplossing veur de hoege dieselpries,..
- B. Dat bedoel iech neet wie iech vroeg of de vrachtwage gedek waor,..
- C. Dat is pas ech dubbel geparkeerd.

Foto 13

- A. Neet getrouwd en toch de brook motte inlevere,...
- B. Heer hèt zoelang gewach um dat te maoge zegke: Alaaf, Alaaf, mien brook zak aaf,....
- C. Is dat diene scepter of beste blij um us te zeen?



Geer kint uch gooj of verkierde antwoorden (of zelf verzonnen antwoorden) opsjture nao de redactie van dees gezet.
 Veer zeen ouch bleij met alle sjtom foto's die geer dis carnavaal maak zoedat veer ouch volgend jaor weer zoe'n sjtom rubriek kinne make..

DE GERUCHTEMEULE DRIEJT WEER....

Al weer 'n jaor um... En d'r is weer vanalles en nog get gebäörd, en veural auch neet gebäörd, dus is 't hoeg tied dat de Geruchtemeule uuch weer ins bee-praot. Want, zoe wie geer wèt, dit is 't innigste sjtukske in dees gezèt woe-in neet geloge weurt. Huugtens 'n bitsje euverdreve...

Kaom de bus mèr...

Dat zulle veer, es 't aan os provinciebesjtuurders ligk, de komende jaore nog dèks goon huure. Neet dat 't gèt zal hellepe, want die bus keump sjtraks gewoen neet mieër. In de gezèt – de echte, die altied de woerheid vertèlt (zègke ze...) – haet al gesjtange dat eedereen d'r tege is, en dat beteikent miestal dat 't gewoen toch doorgeit...

Politiek, neume ze dat.

Mèr Bemele zouw Bemele neet zeen es d'r leenks en rechts gein planne woorte gemaak um dao op de ein of andere meneer 'n oplossing veur te veende. En de Geruchtemeule zouw neet de Geruchtemeule zeen is veer op dees plaats neet 'n aantal van die oplossinge veur uuch zouwwe kinne verraaje...

Oet zier betrouwbare bron hùbbe veer vernome dat de plaatselijke pèèrdsclub, Vrij en Blij, al druk bezig is mèt planne um, es de busse sjtraks neet mieër vaare, tössje Mestreech en Mergraote eine pèèrden-tram op en neer te laote goon. Dat geit dan meteen waal 'n sjtuk langzamer, mèr luuj die geinen auto hōbbe, hōbbe euver 't algemeen auch geinen haos, en bee langzaam aan brik 't lijnsje auch neet zoe gaw. Wat waal 'n veurdeil is es d'r pèèrd aan dat lijnsje hange. Inmiddels hōbbe ze bee Vrij en Blij al genoeg vrijwilligers um d'n tram twie keer per daag op en neer te laote vare. Alleen moote ze nog even bekieke of 't hendiger is um de pèèrd veur of áchter de wage te sjanne.

Tegelikertied deit hiel sjtèrrek 't verhaol de runde dat twie awt-prinse van de Berggeitte, toevallig (?) alle twie in hunne vrijen tied actief es vrachwage-sjofeur, planne zouwwe hōbbe um hunnen oplègger te goon gebruke veur 'n vaste verbinding veur persoene-verveur tössje Mestreech en Mergraote, met drie haltes (ein bee Fer,

ein bee Pol – mèt gelegenheid tot oet-, in-, aaf-, op- en euversjtappe - en ein op 't Gastes) in Bemele. Ze zouwwe zèllefs hun geld al van de bank gehaold hōbbe um dao plaats te make veur passagiers (dat is eine um eve euver door te deenke...).

Oos eigeste gemeinteraodslid Wiel Dreesse haet al veurgesjteld um de lijnbus die noe nog door Bemele veurt al hiel binnekort – leefs véúr de gemeinteraodsverkeezinge van miert - te vervange door 'n sjtumbus. Dao is neet eederein in Bemele veursjtander van. Um eine dörpsbewoener (heer wil um begriepelike redene leever anoniem blieve) te citere: “Ein sjtumbus veurt mèr ins in de veer jaor, en d'n innigste dae d'r mèt in Mergraote keump is de besjtuurder...”

't Groete probleem van de buslijn door Bemele, dat zeen netuurlijk de cente. D'r vare vāölste wienig luij mèt nao Mestreech of Mergraote – op zich begriepelik, want woerum zow eine van Bemele dao nao tow wille? – en dus bringk die lijn te wienig op. Wie is dat op te losse? De gemeente Mergraote wèt 't auch neet. Die kaome op 'n gegeve momint mèt 't plan um in Bemele 'n ideeje-bus te plaatse, woe eederein dan zien oplossinge in zow kinne kiepere. Mèr die bus bleef net zoe lèèg es die van Veolia. 't Innigste idee kaom van de Zoepnaze, die meinde dat Bemele zèllef waal zoe 'n busverbinding zow kinne betale es eederein mèr ins fleenk in de bus zow wille bloze... Zee wouwe zellef waal 't gooje veurbeeld geve. Reactie van eine Bemelenèèr: “Geer zeet betoeterd... Mèt zoevāöl herrie kriege veer hielemaol geine minsj mieër de bus in...”

Geer zeet 't al: veurluipig is d'r nog gein oplossing gevoonde veur es de bus neet mieër keump. De provincie wil goon bekieke of daoveur in de plaats ein 'wensbus' ingeveurd kin weure. Mèr wat weense die van Bemele? Ein gewoen bus... Dus dat sjút neet op. Of, um 't andersj oet te drúkke: dat verhaol klop mesjiens waal, mèr dan neet wie 'n bus...

De Geruchtemeule zal, wie gewoenlik, 't komend jaor nauwlettend in de gate hawte wie 't wejjer geit mèt die bus. Of wie 't neet wejjer geit...

Euver 'n jaor sjpreke veer os weer. En veer garandere uuch: dát keump in eeder geval wáál in de bus...



D'R PLEIJ

D'r Pleij van Bemele... Noe is 't nog gewoon 'n kruusing woe nét genoeg plaats is um 'n rundsje roond de put te driejje, mer es 't aan wèthawwer Armand Opreij ligk moot 't sjtraks “ein sjoeën besjtraot pleinsje” weure. En es Opreij dat zaet, dan is dat zoe, want dae haet 't miestal good Op 'n Reij sjtoon, wat-ste neet van eederein bee de gemeente kins zègke (herstel: de kins dat waal zègke, mèr dan zouwste leege...).

De vraag is wat veer ós veur moote sjtèlle bee “ein sjoeën besjtraot pleinsje”. Dat wis Opreij – weite ze bee Opreij dan neet alles van besjtraotinge en zoe? – blijkbaar auch neet precies, want heer haet die van Bemele gevraag um daoveur ins gèt eige ideeje op taofel te lègke. Wat die van Bemele dus auch metein gedoon hóbbe.

De Joonkheid kaom mèt 't plan um in de nuuj bestraoting van d'r Pleij bee de Put – d'r keump in de loup van 't jaor nog eine priesvraag um dao eine betere naam veur te bedeenke – 'n hydraulische meiden-rechopzèt-installasie in te bouwwe. Dat is volges de Joonkjeid van groet belang veur 't behoud van de traditie van de meiden. Mèt 't oug op de vergrijzing vèlt namelijk te verwachte dat de getrouwde mansluuj gemiddeld awwer en griezer weure, en dat deenk op 'n gegeve momint neet mieër zoonder hùllepmiddele umhoeg kriege.

De kèrrekzengers sjtèlde veur um bee de rekonstruksie van d'r Pleij bee de Put - kin dao ech geine gâw gèt beters veur bedeenke? – ein loupbrögk aan te lègke van bovenop de kèrrekmoer nao 't terras van de Baskuul. Dat zow de gevierlike euversjteek noa aafloop van de rippetisies veur de al gèt awwere – en dus gèt traogere – lede van 't koer gèt gemeekeliker make. In verband mèt meugelik sjlèch waer en de lichamelike kondisie van de zèngers, die zich regelmaotig de lange oet 't lief sjriewe, zow die loupbrögk euverdèk moote weure, en oetgerös met sjtevige leuning en 'n anti-sjliplaog.

De Heemkundevereiniging haet gevraag of de put op d'r Pleij bee de Put neet weer tot op de oorsjrpoonkelike diepte oetgegrave kint weure. Leefs zoe deep totste geine boojem mieër zuus. Want, meine die van de Heemkunde: “Es de gemeente in de komende jaore tóch



doorgeit mèt geld in 'n boojemloze put te goeje, dan höbbe veer 't leefste dat ze dat in Bemele doen..."

De Sjeetvereniging haet de gemeente laote weite dat ze gein bezeundere weense höbbe veur de rekonstruksie van d'r Pleij bee de Put. "Zoelang ze mèr opsjeete, veende veer 't waal good."

't Veursjtèl van eine anonieme Bemelenaer um d'r Pleij bee de Put te verneume nao wèthawwer Opreij, umdat dae 't zoe good mèt Bemele veurhaet, is door de gemeente al aafgeweze. Volges de gemeente kleenk de naam Opreijpleij nùrreges nao, en is zoe'ne naam auch nog misleidend. "Automobiliste zouwwe kinne deenke dat ze d'r Pleij allein mèr op maoge reije, en neet mie aaf. Dan hùbste binne de kortste kiere 'n file."



Ouch un idee, veer make d'r un wens-put van



Carnavalsprogramma 2014



Zaoterdag 15 februari : Prinsenproclamatie

'T Bal begint um 20.11 oor en de nuije jubileum
Preens zal um 22.11 oor weure oetgeroope.
Met optreije van Roger Villevoye

Zoondig 16 februari :Foto's ophange

De nuije Preens weurt opgehange (zien foto althans) bee de
café's in Bemelen vanaaf 16:30

Zoondig 23 februari: Keender-Zitting

Um 13.11 oor: Oploate van de Berggeit en ballonnen –
wedstrijd.
Aansjletend optredens vaan diverse artiesten van eigen
bodem. Met oetroope vaan de nuije Jeugdpreens en Prinses

Zaoterdig 1 maart: Sjeuteleuverdrach

Um 19.30 oor: Sleutel-euverdrach van de parochie Bemelen.
's Aoves gunt de Groete en Kleine Prins mit hun gevolg nao
café "T Plateau"

Zoondig 2 maart: Groet carnavalsbal

Groet Carnavalsbal in Café "de Baskuul"
Vanaaf un oor of 20.00 tot un oor of zoe

Maondig maart: Oetruste of nao Keer?

Jeugdpreensepaar mit ziene raad van ellef bezeuke de
keendercarnaval in Keer in 't Keerhoes.

Rustdaag Groete raod van ellef...(mèr ze zeen vas ouch in
keer....)

Deensdig 5 maart: Groete Carnavalsoptoch

Opsjelle : 12.11 oor op 't Gasthoes

Vertrek : 13.11 oor

's middags en 's aoves springe in de zaal

Insjrieve veur de optoch

Deenk geer d'r aan dat geer uch op tied mot insjrieve es geer
mèt wil doen in d'n optoch?

Insjriefformuliere zeen te downloaden op

www.berggeitte.nl

Lever ze in op tied in want vol is vol !!

Asgoonsdig 6 Maart Hieringe-biete

De Preens en ziene raod nuudige uuch oet um same met hun
um 19.00 oor de mis te bezeuke um 't Asse-kruiske te haole.

Daonao:Hieringe Biete bee Cafe de Baskuul





’N VERHÄÖLKE VAN NIX

De redaksie van dees gezet haet zich – in naovolging van Van Dale, de Nederlandse Taalunie, ’t Genootschap Onze Taal en wat zich weijjer allemaol mèt taal bezig hilt in dit land – mèr ins gewaag aan ’n eige verkeezing van ‘t Woord van ’t Jaor. En veur os keump mèr ein woord veur die ieër in aanmerking: NIX.

De kins tegeswoordig de krant neet mieër ope sjloon, neet mieër nao de radio luustere en neet mieër nao de tillevizoe kieke of ’t woord keump dich van alle kante aanveelege: NIX. Laote veer ’t metein mèr zegke: veer kinne dao NIX mèt, en veer veende d’r hielemaol NIX aan...



't Zal waal good bedoeld zeen: NIX dreinke,
 NIX rouke este jonger bes ès achttien, mèr op
 de reclame zègke ze d'r zèllef altied al bee: 't Is
 'n aafspraak van NIX. En zoe is dat. Want
 reken mèr dat eine gansen houp luij zich dao
 NIX van aantrèkke, en deenke: dao hōb geer
 NIX mèt te make. Neet dat veer wille zègke
 dat eederein mèr moot zoepe en paave. Veer
 wille uuch NIX veursjrieve. Auch NIX neet.
 Mèr vastelaovend viere zoonder dich
 (veurziechtig) op z'n mins eine te dreinke,
 dat liek os hielemaol NIX. Al is 't mer
 umdat de kastelein en de Berggeitte dan
 NIX d'r aan euver hauwte. Mesjiens
 interesseert uuch dat NIX, mèr bedeenk
 waal: dan weurt 't NIX mieër mèt de
 vastelaovend.

Veer zeen neet veur NIX, en neet tege
 NIX, mer veer zeen dan auch neet veur
 NIX 'n carnavalsgezèt. Veer zeen waal
 veur 'mèt mate'. Drei daag zaat is auch
 NIX. Dan hōbste NIX aan de
 vastelaovend. En mèt 'n bitsje pech
 herinnerste dich d'r op Asgoonsdig al
 NIX mieër van. Dan is vastelaovend
 zùn van d'n tieëd gewaes... En dat is
 drie kier NIX. Drei kieër ALAAF is
 beter: **Al**cohol maak **L**aveloos, dus **A**afentow
Aafwissele mèt **F**ris...

PS: geer hoof uuch heij netuurlijk NIX van aan te trèkke. Wie al d'r
 bove sjteit: dit is 'n verhāölke van NIX. Mèr 't gezètsje moos vol, en
 anders hauwt geer heij 'n pagina gehad woe NIX op sjtong. En dat is
 hielemaól NIX...







CULINAIR NUIJTS

(Van ozze redaksie koke en bakke)

Groeët nuijts veur eederein in Bemele dae van eine lekker hap hèlt. Veer bemeuje os es carnavalsgezèt leever neet mèt arbeidskonflikte – miestal krijgste dan zoe'n welles-nietes-sjpelke woebee de pot de ketel verwiet dat 'r zjwart zuut (of umgedriejd) – en mesjiens haet 't auch allein mèr mèt de crisis te make - de crisis kinste tegeswoordig euveral de sjöld van geve – mèr veer mooste 't toch eve kwiet: 'Sjuif mer aan', 't op ein nao bekindste restaurant van Bemele, is ziene kok kwiet. Eigenaer Pol haet besjloote um d'r veurtaan zèllef 'n pötsje van te make en de Pol-lepel te hantere. Of dat auch beteikent dat heer zien sjter kwiet is geraak, is nog neet duudelik. Michelin wouw dao in dit stadium nog gein commentaar op geve. Zèllef deenk Pol dat 't waal mèt zal valle, zeker mèt 't totaal vernuijde en culinair hoeëgsjaonde menu woe-op heer zien gaste vanaaf noe zal traktere. Heer haet dees gezèt de primeur gegund van de nuij menukaart:



ADVERTENTIES


Sjuif mèr aan de kant menu
Café de Baskuul Bemelen

Ma	Friet mét 'n kroket
Di	'n kroket mét friet
Wo	Friet mét 'n kroket
Do	'n kroket mét friet
Vr	Friet mét 'n kroket
Za	'n kroket mét friet

Zo (en feestdaag): speesjaal menu,

keuze oet friet mèt 'n frikandel of 'n frikandel mèt friet (kin eventueel auch geserveerd weure zonder friet. Of zonder frikandel).







De kopere kromme

De ondersjeiing van de Kopere Kromme, 't iereteike van groete verdeenste veur de carnaval en de gemeinsjap Bemele in 't algemeen, weurt dit jaor oetgereik aan:

- Hermenie Sint Laurens. Umdat die dit jaor de grandioze mijlpaol van hoonderd jaor bereik. En umdat ze laote zeen dat d'r zellefs op dae lèëftied nog mieër es genoeg muziek in 't leve zit... Zoelangste mer van toete en bloze wèts...

- CV de Berggeitte. Umdat ze dit jaor de 4 x 11 vol make. Wat 4 x 11 jaor geleijje geine minsj haw dörreve veursjpell. Wat mèr weer ins liet zeen woe 'n klein dörrep groet in kin zeen. En ze hōbbe auch dit jaor weer eine prins gevoonde...

- 't Twiede van de FC. Eindelijk, eindelijk. Naodat 't Ierste al eine ganse serie kampioensjappe haet weite te verzamele (en auch 'n paar kier gedegradeerd is, mer dao hōbbe veer 't vandaag neet euver) waar

aafgeloupe jaor auch 't Twiede ins aan de bāört. En noe mèr houpe dat ze neet neve hun sjeun goon loupe, want dat voetbalt get lestig...

- Jef Ubaghs. Umdat heer aafgeloupe jaor vanwege zien verdeenste veur de FC, de Berggeitte, de Club van Auw Trèkkers (es dat dōbbelzinnig kleenk, dan is dat umdat 't auch dōbbelzinnig bedoeld is...) en 't Gemeinsjapshoes ein leentsje haet gekrege van de keunigin. En umdat heer de lètste in 't dörrep is dae zoegèt krijg. Want de iers-volgende krijg 'n leentsje van de keuning...

- En toch auch mèr weer de Heemkundevereniging, want hunne Bemeler Maondkalender 2014 is de èllefde in de rij, en mèt èllef verdeens-te ein plaats in de carnavalsgezèt...



Jubileum Jeugdprinsenpaar 2013, Prins Pascal II en Prinses Demi

V'r wille Géne bedanke dat heer oes hét gevraag um jubileumpreense paar te weure. Dat kin mehr ins in de 11 jaor gebeure. Oach Preens Tommy wille vur in het leech zitte, Same met hûm carnaval te veere is hiel errug leuk, de groete raod hét gein moment kinne pitte.

Veurbereiding:

Vanaf het moment dat Géne oes hét gevraag, waar het unne leuke tied boe in veer af en tow woorde geplaog ☺. Veural spannend omdat v'r nieks moegte vertille, terwijl v'r dat hiel gehr zouwe wille. Het maake van de bus boe veer in oetgeroepe woore, koste veer neet zonder ozze papa's en Leon. Die hebben oore draan gewirrek, met af en tow uh beerke en unne hiering waore veer op tied dao.

Oetroope:

Wie veer waore oetgeroepe kom eederein oos felicitere en kroage veer veul cadeaus. Dat voonte veer sjiek en waore soms sprakeloos. De zoepnaze waore op ins hunne muziek vergete. Dat voonte veer joamer, ut waar errug sjtil onder het eete. Bie de Baskuul hubbe veer de foto's opgehange en uh paar rundjes gegeve. Carnaval op z'n bis dat is miech toch un leve.

Zaoterdig:

Veer hebbe Carnavalszaoterdig de jeugdcarnaval un nuij leve proberen te geve. Mit unne kinderoptoch in ozze prinsmobiel, aan alle kinder die mit hebbe geloape bedank wat maakte geer un leve!. Veer kinne alle kinder aanrôje um oach bie de Berggeitjes te goon en unne kier prins of prinses te weure. Dat is unne sjieke tied, veer hebbe hiel vûhl leuke dinger zien gebeûre. S' aovends kroage veer same mit preens Tommy de sleutel van de kirrek euver gedrage. Doa noa hubbe veer in de Baskuul nog gesjproonge, dat voonte veer leuk en hebbe oos neet misdrage.

Zoondig:

Zoondig hebbe v'r mit ozze jeugdraod unne leuke middag gehad.

Vlag-veroveren (mit ozze zwojgende papa's en mama's ☺), films en doa noa samen eete, zoervleisj mit patat

Noa het eete umkleije en noa ut Plateau, doa hubbe veer hiel veul polonaises getrokke Zoe veul dat preens Tommy oet zien brook waar gesjeurt, doa zeen veer waal effe van gesjrokke. De groete road kreeg wienig pauzes, veer hawwe doping gehad. Wat dat mit un jeugdpreense paar deijt, zoervleisj, veul cola en patat ☺.

Maondig:

In Keer vertrikt d'n optoch um 2 oar en un keteer,
Ut waar koud meh dat maakte niks oet, ut waar geweldig wat unne sfeer. Doa nao zeen v'r nog eine goon drinke.
Toen nao hoes um good oet te ruste, murrege ozze optoch en v'r zouwe neet d'r bie zien, v'r mootte d'r neet aan dinke.

Dinsdig:

Os hoegtepunt van Carnaval, veurop in d'n optoch same mit ozze familie's en bekinde. Die waore allemoal sjoen verkleijd, roed - geel en greun dat is wat veer leuk vinde. Nao d'n optoch lekker sjpringe en veul polonaises trikke. Wat waar ut sjoen wie op ut litste in de zaal de Zoepnaze speulde wie veer op de schouwers zoate, toen hebbe veer een treunneke motte weg prikke.

Jubileumfees:

Op 23 November 2013 hawwe veer es Berggeitjes het 4x11 Jubileumfees, Hebbe veer veul leuke cadeau's gekregen en zien veul luij op de receptie gewees. Toen waar d'r veul optreijes en hebbe veer same met Erwin van ut merretkoer en de kleine Domm en Dööl gesjpronge en gedans, Ein groet fees, v'r hebbe genoote, aan eederein deh doa aan mit het gewirrik, super gedoon het waar aaf, ech gans.

Es letste:

V'r wille eerderein bedanke die het veur os hebbe mûhgelik gemaak um es Jubileum Jeugdprinsepaar zoe'n sjoen canavalsseizoen en fees te hubbe.

Veer wille het nuije Jeugdpreense paar veul sjpas en plezeer weense Luij van Bemele en umstrecke BEDANK.

Berggeitjes Alaaf, Bemelen Alaaf, Carnaval Alaaf

**Sjtraotpreens Oude
Akerstraat
(Dörpsjtraot)**



**Autohandel Tom van Leeuwen
Tel 043- 4071852**



Zeuk de versjille



Eindelijk is 't zoewied...

Naodat d'r in Bemele al jaore geklaag waor euver de bouwkundige sjtaot van de Klaagmoer, is d'r aafgeloupe jaor eindelijk geld besjikbaar gekome um dae moer 'n groete opknaphäört te geve. 't Zouw auch tied weure, vind de redaksie van dees gezèt. Es ze nog gèt langer gewàch hauwwe, zouwe ze sjtraks in Bemele, zjus wie in Berlijn, eeder jaor de 'Val van de Moer' kinne herdeenke.

De moer weurt dus opgeknapp. Mèr wie? In 't deepste geheim höbbe 't kèrrekbesjtuur en de gemeente ein aantal architecte-buro's gevraag um planne te ontwikkele veur eine moer dae d'r weer 'n paar ieuwe tege zouw kinne, en dae tegeliekertied 'n aanwins veur 't dörrep zow zeen. Oeteindelijk is toch gekoze veur 'n eenvoudige oetveuring – 't is tensjlotte crisis, en 't geld greujt auch in Bemele neet aan de buim, zelfs neet aan de buim die nog néét gekap zeen – mèr de redaksie van dees gezèt zouw häöre naam geine ieër aandoen es ze d'r neet in gesjlaag waor um ein paar van de aafgeweze planne bove water te hoole. Veer wille uuch die vandaag prizzentere, dan kint geer zèllef beoordeile of ze oeteindelijk de gooj keuze höbbe gemaak...

1. 't Ontwerrep van adviesburo Lego. Sjtrak en simpel. Opgetrokke oet pre-fab bouwblomme die mèt 'n eenvoudig noppe-systeem – ontwikkeld in Denemarke - aanein geklik weure. Lieverbaar in alle kleure. Beveurbeeld 't zjwart en roeëd van de FC Bemele. Kin in de vastelaovestied vervange weure door roeëd-geel-greun, op Keuningsdaag door oranje. Goodkoup in oonderhoud (zoe noe en dan mèt lauw water aafbeursjtele).
2. 't Ontwerrep van architecte-buro Berlin. Geïnspireerd door de Berlijnse Moer. Opgetrokke oet gewapend beton, mèt eine fleenke sjeut Deutsche Gründlichkeit. Hiel degelik, dus. Aafwèrkingskoste: nul komma niks (weurt allemaol gratis gedoon door plaatselike graffiti-kunstenaers). Tege geringe extra koste (op aanvraag) lieverbaar mèt puntdraod, wachttore en sjeinwerpers.




ARCHITECTENBURO
"LEGO"



ARCHITECTENBURO
"BERLIN"


3. 't Ontwerrep van stedeboekkundig buro Hoe Lang (is eine Chinees) en Wie Zoe (zow auch eine Chinees kinne zeen). Goojekoupe – en kortere – versie van de Chinese Moer. Eigelik dus eine nep-moer, mèr zuut d'r zjus oet wie ech. Laot dat mèr aan Chineze euver... Trèk gegarandeerd extra toeriste nao 't dörrep. Eventueel te combinere mèt de vestiging van 'n Chinees restaurant in de auw sjoëël, zoedat dat probleem auch opgelos is.
4. 't Ontwerrep van adviesburo Mora. Krokette en frikandelle in de langste otomatiek van Europa. Plan is relatief duur, mèr Mora haet zich bereid verklaard 't project te sjponsore. Betaalt zich in twintig jaor tied hielemaol trùgk, es de luij van Bemele zich contractueel verpliechte um minstens drei kier per week krokette 'oet de moer' te trèkke, naor keuze mèt majjenais of mosterd. Tege dat plan is bee veurbaat bezjwoer aangeteikend door eine plaatselike restaurateur (mieër dao-euver kint gere op 'n ander plaats in dees gezèt leze) dae vind dat zoe'n enorm konkurrensie de baskuul te zieër oet z'n ewewiech zal bringe.





ARCHITECTENBURO

Hoe Lang & Wie Zoel



ARCHITECTENBURO

Mora



MARKTPLAATS.NL Homepagina Inloggen Mijn Marktplaats Help en info Vrijlig handelen

Plaats advertentie Zoek in titel en beschrijving Alle groepen Alle afstanden Zoek

Terug naar resultaten | Home » Kleding | Dames » Schoenen » Advertentie 763956952

S. Oliver pumps

25 x gemiddeld 22 per '14, 15-22



Prijs: € 15,00
Ophalen of Verzenden

Gaat u over tot betalen?
Check eerst

Tom van Leeuwen

8 jaar actief op Marktplaats
Bekijk alle advertenties

Bemelen, Limburg
Toon op kaart

Tel: 0434871852

E-mail deze adverteerder

Bieden (Log eerst in om te bieden)

Geen biedingen geplaatst

Ja Tommy, dat hauw veer altied al gedach,...
Overdag een prins,.... 's avonds een prinsesje,...

MARKTPLAATS.NL Homepagina Inloggen Mijn Marktplaats Help en info Vrijlig handelen

Dodge W200 4WD Pick-up 1976



1976

Versprek 4WD

Samenvatting

Merk & Model	Dodge W-SERE	Boujaar	1976-1978
Uitvoering	W200 4WD	Kantelen	VV-80-SH
Carssoort	Open wagon	APK tot	30 augustus 2008
Brandstof	LPG	Kilometerstand	-
Transmissie	Automaat	Energie label	-

peter

7 jaar actief op Marktplaats
Bekijk alle advertenties

Bemelen, Limburg
Toon op kaart

Tel: 0613858507

E-mail deze adverteerder

Bieden (Log eerst in om te bieden)

Geen biedingen geplaatst

Van n oud vrouwke gewaes,...
Altied binne gesjtange,....



*Een tipje van de sluier? Of gewoon 'n
dwaalsjpoor,...*



Met dank aan eederein
dae foto's, tekeninge,
teksten of ideeën hêt
aangeleverd.

De redactie:
Soraya Janssen
Ralph Andriën
Guus Urlings
Peter Urlings



